

UNIVERZITET U TUZLI
Broj: 01-83-JN-18/20 LOT1
Tuzla, 09.02.2021. godine

Na osnovu članova 69. stav (2) tačka d) Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Mišljenje Komisije nakon donešenog Rješenja od Ureda za razmatranje žalbi broj: JN2-03-07-1-85-9/21 od 01.02.2021. godine i ponovne evaluacije ponuda, broj: 01-83-JN-17/20 od 03.02.2021. godine, po punomoći Rektora Univerziteta u Tuzli broj: 01-2593-1/20 od 11. 06. 2020. godine, Direktor za ekonomske poslove donio je

ODLUKU **o poništenju postupka javne nabavke**

I

Poništava se Otvoreni postupak javne nabavke svježeg junećeg mesa i prerađevina od goveđeg i junećeg mesa za potrebe restorana Studentskog centra Univerziteta u Tuzli sa sukcesivnom isporukom do 31.12.2021. godine (okvirni sporazum sa jednim ponuđačem) – LOT 1 iz razloga što nijedna od primljenih ponuda nije prihvatljiva.

II

Ova Odluka stupa na snagu danom donošenja.

Obrazloženje

Univerzitet u Tuzli pokrenuo je postupak javne nabavke svježeg junećeg mesa i prerađevina od goveđeg i junećeg mesa za potrebe restorana Studentskog centra Univerziteta u Tuzli sa sukcesivnom isporukom do 31.12.2021. godine (okvirni sporazum sa jednim ponuđačem) – LOT 1 putem Otvorenog postupka javne nabavke broj: 01-83-JN-2/20 od 15.09.2020. godine, objavljenom na Portalu javnih nabavki „E-nabavke“, broj: 795-1-1-87-3-114/20 od 15.10.2020. godine, web stranici Univerziteta i „Službenom glasniku BiH“ broj: 67/20 od 23.10.2020. godine.

U ostavljenom roku ponudu je blagovremeno dostavilo 2 (dva) ponuđača: „Dolar company“ d.o.o. Kalesija i „Bosna-Kom“ d.o.o. Gračanica.

Komisija za provođenje postupka javne nabavke pregledala je pristigle ponude i dala preporuku da se donese Odluka o dojeli okvirnog sporazuma ponuđaču „Dolar company“ d.o.o. Kalesija.

Na Odluku o izboru najpovoljnijeg ponuđača žalbu je izjavio ponuđač „Bosna-Kom“ d.o.o. Gračanica.

Univerzitet u Tuzli je Dana 01.02.2021. godine zaprimio Rješenje od Ureda za razmatranje žalbi BiH broj: JN2-03-07-1-85-9/21, a vezano za postupak nabavke svježeg junećeg mesa i prerađevina od goveđeg i junećeg mesa za potrebe restorana Studentskog centra Univerziteta u Tuzli sa sukcesivnom isporukom do 31.12.2021. godine – LOT 1. U Rješenju je navedeno da se usvaja žalba od ponuđača „Bosna-Kom“ d.o.o. Gračanica, te da se poništava Odluka o izboru najpovoljnijeg ponuđača za LOT 1, broj: 01-83-JN-09/20 LOT 1 od 14.12.2020. godine i da se predmet vraća Ugovornom tijelu na ponovno odlučivanje i donošenje nove Odluke u skladu sa Zakonom o javnim nabavkama i podzakonskim aktima. Komisija je uvažila Rješenje od Ureda za razmatranje žalbi i pristupila realizaciji istog.

U Rješenju URŽ-a je detaljno obrazloženo i navedeno da je Ugovorno tijelo dužno u skladu sa članom 68. stav 4. Pod. i) ZJN odbaciti ponudu ponuđača „Dolar company“ d.o.o. Kalesija budući da ista nije potpuna i ne ispunjava zahtjeve TD.

U daljem postupku Komisija je još jednom detaljno pregledala ponudu i ponuđača „Bosna-Kom“ d.o.o. Gračanica, te konstatovala da ponuđač na strani broj 11. svoje ponude za LOT 1 kod

Izjave ponuđača pod tačkom 4. nije naveo vrijeme važenja ponude, a što je bio obavezan navesti i brojčano i slovima kako je Ugovorni organ zahtijevao u tenderskoj dokumentaciji. U Tenderskoj dokumentaciji u tački 4.1. c) je jasno navedeno: *Obrazac za ponudu Aneks II propisno popunjen, potpisan i ovjeren od strane ponuđača u skladu sa formom koja je data u prilogu ove tenderske dokumentacije.*

Imajući u vidu naprijed navedeno, a zbog činjenice da je postupak javne nabavke strogo formalan postupak i da svaki nedostatak predstavlja osnov za odbacivanje ponude sa nedostatkom, ponuda ponuđača „Bosna-Kom“ d.o.o. Gračanica se odbacuje kao neprihvatljiva.

Zbog navedenog Komisija je dala preporuku Direktor za ekonomske poslove Univerziteta u Tuzli da predmetni postupak javne nabavke poništi u skladu sa odredbom člana 69. stav (2) tačka d) Zakona o javnim nabavkama BiH iz razloga što nijedna od primljenih ponuda nije prihvatljiva.

Cijeneći izneseno Direktor za ekonomske poslove Univerziteta u Tuzli prihvatio je preporuku Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1, 75 000 Tuzla.

Prilog: Mišljenje Komisije

broj: 01-83-JN-17/20 LOT 1od 03.02.2021. god

DOSTAVITI:

1x učesnicima

1x a/a



DIREKTOR
za ekonomske poslove

Husein Matović
Husein Matović, dipl. oec.